

羣經音辨



三
羣
經
音
辨
賈
昌
朝
撰

1968

羣

經

音

辨

賈昌朝
撰

叢書集成初編

羣經音辨

中華書局出版發行

(北京王府井大街三十六號)

秦皇島市資料印刷廠印刷

一九八五年北京新版

開本：七八七乘一〇九二毫米三十分之一

統一書號：七〇一八·一五

叢書集成初編所選粵雅堂叢書及鐵華館叢書
畿輔叢書皆收有此書據畿輔本王灝跋云保定
府蓮池書院舊藏有景宋鈔本足以證澤存堂張
氏粵雅堂任氏兩本之誤者凡三十餘字鐵華覆
澤存堂張本畿輔則據景宋鈔本覆刊其有顯然
譌誤者則據張氏任氏兩本校正是畿輔本兼有
各本之長故據以影印並附粵雅本伍崇曜跋於
後又王灝跋云王晉卿別爲校勘記附於卷後按
畿輔本未附校勘記

羣經音辨序

朝奉郎尚書司封員外郎直集賢院兼天章閣侍講輕車都尉賜緋魚袋呂頤賈 呂朝撰

臣聞古之人三年而通一藝三十而五經立蓋資性敏悟材智特出者焉臣自蒙恩先朝承乏庠序逮今入待內閣凡二十年踰不惑裁能涉獵五經之文於五經之道固未有所立嘗患近世字書摩滅惟唐陸德明經典釋文備載諸家音訓先儒之學傳授異同大抵古字不繁率多假借故一字之文音詁殊別者衆當爲辨析每講一經隨而錄之因取天禧以來巾櫝所志編成七卷凡五門號羣經音辨一曰辨字同音異凡經典有一字數用者咸類以篆

文釋以經據先儒稱當作當爲者皆謂字誤則所不取其
讀曰讀爲讀如之類則是借音固當具載二曰辨字音清
濁夫經典音深作深式禁切音廣作廣古曠切世或謂其儒者
近疏彊爲差別臣令所論則固不然夫輕清爲陽陽主生
物形用未箸字音常輕重濁爲陰陰主成物形用旣箸字
音乃重信稟自然非所彊別以昔賢未嘗箸論故後學臣
或思之如衣施諸身曰衣於旣切冠加諸首曰冠古亂切此因
形而箸用也物所藏曰藏才浪切人所處曰處尺據切此因用
而箸形也並參考經故爲之訓說三曰辨彼此異音謂一
字之中彼此相形殊聲見義如求於人曰假與人曰假價

義如求於人曰假與人曰假音價毀佗曰敗音拜自毀曰敗觸
類而求竝有意趣四曰辨字音疑混如上上時亮切下下時掌切
胡賈切之類隨聲分義相傳已久今用集錄五曰辨字訓
胡嫁切得失如冰凝同字汜汜異音學者昧之遂相淆亂既本字
法爰及經義從而敷暢簪于篇末此書斷自易書詩禮三
經春秋三傳暨孝經論語爾雅凡字有出諸經箋傳中者
先儒之說沿經簪義既釋文具載今悉取焉凡字之首音
雖顯而經傳不載者則依說文爲解凡字之音義章灼者
則不復引据音辨之作欲使學者知訓故之言咸有所自
聊資稽古之論少助

同文之化謹上

羣經音辨後序

左承務郎知汀州甯化縣主管勸農公事兼兵馬監押王 觀國

沈隱侯高才博洽名亞董遷始譜四聲用分清濁以彰天

子聖哲及製郊居賦示草王筠筠讀至雌霓

五的翻

連蜷沈

撫掌欣抃曰僕嘗恐人呼爲霓

五兮翻

次至墜石礎星冰垂

炤而帶氐筠皆擊節約曰知音者希眞賞殆絕所以相要

政在此數句耳嗚呼郊居賦一篇無甚高論尙病世俗不

能辨其音況羣經乎約欲正音徒留意於詞章含宮咀商

惡覩五經之微奧是宜梁武不甚遵用涕唾視之又何足

怪夫國朝之興首以六經涵養士類逮仁廟當亡儒風載

郁典章粲然文元賈魏公總角邃曉羣經章解句達累官
國子監譽望甚休遷崇政殿說書天章閣侍講慶厯嘉祐
中大拜居政地海內又甯其在經筵嘗進所著書曰羣經
音辨凡五門七卷爲後學著龜有詔頒行實康定二年十
有一月也公以經術致將相出入文武有謀有庸被知裕
陵始終如一勳上柱國邑戶萬五千其遭遇之厚極儒者
榮下視沈約見薄於蕭梁眞局促轅下駒耳故能推其所
學西破趙元昊南走儂智高外絕契丹之謀內弭甘陵之
變羣經之効昭若日星自胡蝗翳天神汴失守六飛巡幸
駐蹕三吳戎事方興斯文未喪上留神經術登用鴻儒親

札中庸班賜多士發明奧境表章六經州建學官教覃溥
率紹興己未夏五月臨安府學推明上意鏤公音辨敷錫
方州下逮諸邑甯化號稱多士部屬臨汀新葺縣庠衿佩
雲集是書初下繕寫相先字差豪釐動致魚魯且患不能
周給諸生固請刻本藏于黌館以廣其傳嘯工東陽閔月
方就解頤折角駟騁羣經者自是遂得指南矣蓋五經之
行於世猶五星之麗乎天五嶽之蟠乎地五行之蕃乎物
五事之秀乎人康濟羣倫昭蘇萬彙其功豈淺淺哉自有
經籍以來未嘗無音沈熊著周易音三卷王儉著尚書音
四卷魯世達著毛詩音二卷李軌著禮記音一卷徐文遠

著春秋左傳音三卷非無音也無音辨尔是宜句讀不明
師承謬戾禮經以冢爲冪左氏以蔦爲蓮或於老氏更載
爲哉或於洪範改頗爲陂以至讀景爲影命昭爲韶文異
而音同行翻有四召切有三文同而音異旁及史傳諸子
百家音雜字叢蓋亦不勝其訛矣甚者武夫悍卒昧於一
丁老師宿儒惑於三豕取作屋穿鎚之誚貽杖杜伏獵之
譏②③殊形乃劣異④忌水乃改洛爲雒惡走乃省隨爲
隋類用俗文俱緣臆出以下上爲下上以縱橫爲縱橫諡
煬帝以爲翫好奇乃爾易穆公而爲繆振古如茲音辨之
行固非小補漢唐藝文志箋注之書有曰音隱有曰音略

有曰音義有曰音訓有曰音鈔有曰釋音是其於音未必
能辨有曰辨證有曰辨疑有曰辨嫌有曰辨惑有曰辨字
有曰注辨是其所辨未必音音獨陽休之著書號辨嫌音
又皆蕪累不經爲魏收所薄惟賈魏公沈研經旨析類辨
音傳注箋題不爲曲釋櫛理凝義啟沃宸衷至先王治心
守身經理天下之微意指物譬事豪析縷解故其辨明舛
誤是正羣書上不欺乎君下不欺乎民愈久愈明千載不
泯渡江之後峩冠博帶傳習益多汀與虔鄰也民喜弄兵
盜賊蜂起郡城坐甲仰食如蠶方鄰壤用師日疲饋運治
賦餘暇獨與諸生雍容俎豆閒談經究微從事音辨幾於

不達時務也鏤板于學雖秀民肄業厯懇有陳亦長此邦者所願欲也書舊有序姑跋其後云紹興壬戌秋七月中
澣日官舍西齋序

汀州甯化縣學鏤板司書雷大方校勘

右迪功郎汀州甯化縣東尉劉囊

左迪功郎汀州甯化縣主簿胡連

承節郎汀州清流甯化兩縣巡檢鄧助

忠翊郎汀州巡捉私茶鹽劉繼

成忠郎監潭州南嶽廟趙序

成忠郎監潭州南嶽廟趙子坪

承節郎添差監汀州甯化縣稅趙子立
敦武郎監汀州甯化縣稅張球
武翼郎汀州邵武軍都巡檢使林子重
左奉議郎知汀州甯化縣丞陳緯
左承務郎知汀州甯化縣主管勸農公事兼兵馬監押王觀
臨安府府學公將國子監舊本重雕逐一校正卽無舛誤

紹興九年五月 日

左從事郎充臨安府府學教授陳之淵

左承事郎添差臨安府府學教授周允

右奉議郎權通判臨安軍府兼管內勸農事蔣 延壽

右朝奉大夫通判臨安軍府兼管內勸農事趙 主祀

徽猷閣直學士右朝議大夫知臨安軍府事充兩浙西路安撫使馬步軍都總管張 澄

中書門下牒崇文院

翰林學士丁度等劄子奏昨刊修集韻曾奏取賈昌朝所
撰羣經音辨七卷參酌修入備見該洽今寫錄到淨本進
呈欲送中書看詳施行取進止牒奉敕宜令崇文院雕印
頒行牒至準敕故牒

寶元二年十一月三日牒